

VENDIM
Nr. 181, datë 23.11.2016

PËR DISA NDRYSHIME NË VENDIMIN NR. 104, DATË 23.6.2016, TË BORDIT TË ERE-s, “MBI PËRCAKTIMIN E METODOLOGJISË SË VLERAVE REFERUESE NË RAST SE TË DHËNAT E MATJES JANË PËRKOHËSISHT TË PADISPONUESHME DHE TË PAARRITSHME, SI DHE MBI SHFUQIZIMIN E VENDIMEVE TË ERE-s NR. 49, DATË 21.10.2004 DHE NR. 146, DATË 24.12.2013”

(Ndryshuar me vendimin e ERE-s nr. 217, datë 27.10.2021; nr. 28, datë 14.2.2022)

(I përditësuar)

Në mbështetje të neneve 16 dhe 76, të ligjit nr. 43/2015, “Për sektorin e energjisë elektrike”, dhe nenit 26 të rregullores “Për organizimin, funksionimin dhe procedurat e ERE-s”, miratuar me vendimin e Bordit të ERE-s, me nr. 96, datë 17. 6.2016, Bordi i ERE-s, në mbledhjen e tij të datës 23/11/2016, pasi u njoh me relacionin e përgatitur nga Drejtoria Juridike dhe e Mbrojtjes së Konsumatorit, “Për disa ndryshime në vendimin nr. 104 të Bordit të ERE-s, datë 23.6.2016, “Mbi përcaktimin e metodologjisë së vlerave referuese në rast se të dhënat e matjes janë përkohësisht të padisponueshme dhe të paarritshme, si dhe mbi shfuqizimin e vendimeve të ERE-s nr. 49, datë 21.10.2004, dhe nr. 146, datë 24.12.2013,

konstatoi:

- Bazuar në nenet 16 dhe 76, të ligjit nr. 43/2015, “Për sektorin e energjisë elektrike”, si dhe në nenin 113 të “Kodit të Procedurave Administrative të Republikës së Shqipërisë”, miratuar me ligjin nr. 44/2015, rregullores “Për organizimin, funksionimin dhe procedurat e ERE-s”, miratuar me vendimin e Bordit të ERE-s nr. 96, datë 17.6.2016, Bordi i ERE-s ka miratuar vendimin nr. 104, datë 23.6.2016,

- Në shkresën me nr. 800 prot., datë 14.10.2016, drejtuar kompanisë “OSHEE” sh.a., ERE ka parashtruar problematikat e disa klientëve të energjisë elektrike lidhur me faturimin nën zërin “konsum aktiv vlerë referuese” për muajin gusht 2016.

- Shoqëria “OSHEE” sh.a. me shkresën nr. 24869 prot., datë 27.10.2016, protokolluar me tonën me nr. 495/1 prot., datë 28.10.2016 ka paraqitur në ERE një kërkesë për interpretim.

- ERE ka organizuar një seancë dëgjimore më datë 14.11.2016, mes përfaqësuesve të shoqërisë “OSHEE” sh.a. dhe ERE me qëllim interpretimin e vendimit nr. 104 të Bordit të ERE-s, datë 23.6.2016 “Mbi përcaktimin e metodologjisë së vlerave referuese në rast se të dhënat e matjes janë përkohësisht të padisponueshme dhe të paarritshme si dhe mbi shfuqizimin e vendimeve të ERE-s nr. 49, datë 21.10.2004, dhe nr. 146, datë 24.12.2013”.

- Nga ana e shoqërisë “OSHEE” sh.a. janë bërë me dije një sërë problematikash lidhur me zbatueshmërinë nga ana e shoqërisë “OSHEE” sh.a., të vendimit nr. 104 të Bordit të ERE-s, datë 23.6.2016, për kontratat e furnizimit të energjisë elektrike që nuk kanë një historik faturimi, për konsumin me matje të energjisë elektrike.

Për gjithë sa më sipër, Bordi i ERE-s

VENDOSI:

1. Të miratojë disa ndryshime në vendimin nr. 104, datë 23.6.2016, të Bordit të ERE-s, “Mbi përcaktimin e metodologjisë së vlerave referuese në rast se të dhënat e matjes janë përkohësisht të padisponueshme dhe të paarritshme, si dhe mbi shfuqizimin e vendimeve të ERE-s nr. 49, datë

21.10.2004, dhe nr. 146, datë 24.12.2013”.

2. Pika 2 e vendimit nr. 104, datë 23.6.2016 të Bordit të ERE-s, ndryshohet si vijon: ¹

²a) “Në rastet kur Furnizuesi konstaton se të dhënat e matjes janë përkohësisht të padisponueshme ose të paarrtshme për një periudhë më të gjatë se një muaj (matësi është i dëmtuar, matësi është jashtë kushtit teknik apo mungon aksesi në të dhënat e matjes), faturimi i energjisë elektrike do të bëhet me vlerë referuese. Kjo vlerë do të përllogaritet bazuar në mesataren aritmetike të faturimeve me matje përgjatë 3 viteve të mëparshme, të të njëjtit muaj me atë të faturuar.

Periodha e faturimit sipas këtyre vlerave referuese nuk mund të zgjasë me shumë se tre muaj.”

³b) “Për kontratat e furnizimit me energji elektrike që nuk kanë faturime të viteve të mëparshme

¹ ¹Vendimi I bordit të ERE-s nr. 28, datë 14.2.2022 vendosi : 2. Të miratojë disa ndryshime dhe shtesa në vendimin nr. 104, datë 23.6.2016, të Bordit të ERE-s, “Mbi përcaktimin e metodologjisë së vlerave referuese në rast se të dhënat e matjes janë përkohësisht të padisponueshme dhe të paarrtshme, si dhe mbi shfuqizimin e vendimeve të ERE-s nr. 49, datë 21.10.2004, dhe nr. 146, datë 24.12.2013”, i ndryshuar, si më poshtë:

Pika 2, ndryshon dhe bëhet:

a) Në rastet kur furnizuesi merr dijeni nga Operatori i Sistemit të Shpërndarjes se të dhënat e matjes janë përkohësisht të padisponueshme ose të paarrtshme për një periudhë më të gjatë se një muaj (matësi është i dëmtuar, matësi është jashtë kushtit teknik apo mungon aksesi në të dhënat e matjes), faturimi i energjisë elektrike do të bëhet me vlerë referuese. Kjo vlerë do të përllogaritet bazuar në të njëjtin konsum të muajit respektiv të vitit të mëparshëm. Periodha e faturimit sipas këtyre vlerave referuese nuk mund të zgjasë me shumë se tre muaj.

3. Pas germës “ç”, të vendimit të Bordit të ERE-s nr. 104/2016, i ndryshuar me vendimin nr. 181/2016, shtohen gerrat “d” dhe “dh”, me përmbajtjen si vijon:

d) Konsumatorët që nuk kanë referencë asnjë muaj të leximit të matjes së energjisë elektrike do të faturohen me vlerë referuese 0 kWh.

dh) Konsumatorët që kanë lexim me matje të energjisë elektrike në një periudhë nga 1 (një) deri në 11 (njëmbëdhjetë) muaj, do të faturohen me vlerë referuese bazuar në vlerën mesatare për muajt e matur të konsumit të energjisë elektrike.

4. Ndryshimet e parashikuara në pikën 2, të këtij vendimi hyjnë në fuqi më datë 15 shkurt 2022 dhe i shtrijnë efektet juridike deri më 31 dhjetor 2022.

5. Me përfundimin e afateve të parashikuara në pikën 4, të këtij vendimi, për përcaktimin e vlerave referuese në rast se të dhënat e matjes janë përkohësisht të padisponueshme dhe të paarrtshme do të aplikohet metodologjia e parashikuar në vendimin e Bordit të ERE-s nr. 104, datë 23.6.2016, i ndryshuar, me vendimin e Bordit të ERE-s nr. 181, datë 23.11.2016, “Për disa ndryshime në vendimin nr. 104, datë 23.6.2016, të Bordit të ERE-s, Mbi përcaktimin e metodologjisë së vlerave referuese në rast se të dhënat e matjes janë përkohësisht të padisponueshme dhe të paarrtshme, si dhe mbi shfuqizimin e vendimeve të ERE-s nr. 49, datë 21.10.2004 dhe nr. 146, datë 24.12.2013”.

6. Për periudhën e përcaktuar në pikën 4, të këtij vendimi, furnizuesit të cilët lëshojnë faturë me vlerë referuese, të raportojnë në ERE periodikisht çdo 2 (dy) muaj, jo më vonë se data 20 e muajit pasardhës të periudhës së raportimit, në lidhje me gjetjet e tyre mbi këto modalitete faturimi duke përfshirë analizë krahasimore të ankesave të regjistruara përgjatë aplikimit, si dhe rezultatet e të dhënave reale të matjes.

² Pika 2, germa “a”, e vendimit të ERE-s nr. 181, datë 23.11.2016, propozohet të bëhet: “Në rastet kur Furnizuesi konstaton se të dhënat e matjes janë përkohësisht të padisponueshme ose të paarrtshme për një periudhë më të gjatë se një muaj (matësi është i dëmtuar, matësi është jashtë kushtit teknik apo mungon aksesi në të dhënat e matjes), faturimi i energjisë elektrike do të bëhet me vlerë referuese. Kjo vlerë do të përllogaritet bazuar në të njëjtin konsum të muajit respektiv të vitit të mëparshëm. Periodha e faturimit, sipas këtyre vlerave referuese nuk mund të zgjasë me shumë se tre muaj”

³ Pika 2, germa “b”, e vendimit të ERE-s nr. 181, datë 23.11.2016, propozohet të bëhet: “Për kontratat e

të konsumit me matje të energjisë elektrike, faturimi me vlera referuese të bëhet bazuar në mesataren e konsumit me matje të energjisë elektrike, të regjistruar gjatë vitit të fundit në sistemin e faturimit.

c) Për kontratat e furnizimit me energji elektrike me matës të energjisë elektrike të instaluar në boks kolektiv, përjashtohet faturimi i energjisë elektrike me vlerë referuese si pasojë e mungesës së aksesit në të dhënat e matjes.”

ç) “Për faturimet me vlerë referuese si pasojë e mungesës së aksesit në të dhënat e matjes, në momentin e leximit të të dhënave të matjes, furnizuesi do të axhustojë në faturën pasardhëse të energjisë elektrike, diferencën ndërmjet sasisë së energjisë së faturuar me vlerë referuese dhe sasisë së energjisë së konsumuar referuar të dhënave të matjes.”.

3. Drejtoria Juridike dhe e Mbrojtjes së Konsumatorit të njoftojë shoqërinë OSHEE sh.a. dhe palët e interesuara për vendimin e Bordit të ERE-s.

Ky vendim hyn në fuqi menjëherë.

Ky vendim mund të ankimohet brenda 30 ditëve në Gjykatën Administrative.

Ky vendim botohet në Fletoren Zyrtare.

KRYETARI
Petrit Ahmeti

furnizimit me energji elektrike, që nuk kanë faturime të muajit referues të vitit të mëparshëm të konsumit me matje të energjisë elektrike, faturimi me vlera referuese të bëhet bazuar në mesataren e konsumit me matje të energjisë elektrike, të regjistruar gjatë 12 muajve të fundit, në sistemin e faturimit.

Për këtë vendim mund të kërkohet rishikim në ERE, brenda 7 ditëve kalendarike, si dhe mund të bëhet ankim në Gjykatën Administrative Tiranë, brenda 30 ditëve kalendarike nga dita e publikimit në Fletoren Zyrtare